



易

冒



832147

易冒卷之八

新安警目程良玉著
錢唐旅堂胡介定

理財章第六十六

內諍干謁。囤積賈肆。托本寄貨。公門博戲。借貸覓物。訂會巫醫。優娼工技。緣募迎客。脫產行險。索逋奪報。發伏造作。脫置諸問。

凡趨利之占。皆以妻財為用。因事而求。偶兼他象。是故干謁宜官。財官不可喪氣。商旅忌鬼。官鬼豈宜交。易冒 卷八 理財 一

行商若財爻旺相。或鬼動不值。雀武蛇虎亦為有利。倘妻財空破。即應訟盜驚災。囤積審脫時。衰旺養育種植類之。脫於春者宜木象之乘財。售於冬者惡火爻之為用。當考所筮之時。亦宜財神有生扶。無破壞。後復遇時方得厚利。倘占時原屬破散。失救援。縱後遇時。亦利薄也。

財神有帶遇時則芳。財神無根遇時亦常。脫時有定。

則考時脫時無定則隨占
如賈肆之業止論時下占財衰旺不可以後來日
時為應

賈肆之間亦利久長托本寄貨之間又利始終故三
衝有始而無終應爻破散先忠而後佞應爻空絕先
親而後疎應爻尅世懷叵測而侵沒也四者有一縱
財無尅破亦弗用之

凡占業得財神旺相如無夥伴雖遇三衝但不久
而亦有利可為惟托寄遇衝斷無終始財雖旺相
易冒

卷八 理財

二

不可行也

趨利公門當探官心喜怒求財博戲須諱應象尅生
官鬼空破乃官不重也若尅世主有刑責故財雖
旺不吉應爻尅世乃彼勝我也財雖旺必先羸後
輸
借貸戒應空是謂虛諾覓物忌世空是謂難得也
賤如之

買貨若遇世空妻財雖有在卦亦至難買

復觀所求當分其用飛走之靈不用財而用于孫衣

服舟車之具不用財而用父母

訂會類於謀事貞合衝則不聚世應空則不會財官
陷則不成也爲人說合亦然若筮得會財當日月可
獲也若筮有終三衝應壞尅世非良也

財當日月如酉建丁酉日占庚子日搖會得水

比果獲之是也再如寅建乙卯日占何時得會遇

豐之離其後午月方獲是財當月也餘倣此

巫醫之利也貴名譽官鬼爲專優娼之利也貴鼓舞

亦官鬼爲務工技之於人事也貴情好忌應尅世僧

易冒

卷八

理財

三

道之於緣募也貴悅從惡應爻空行次迎客彼空誰
來脫產求交應空誰與也爻有所指則同謀事矣

或兼用官或兼用應而財神不可脫也

若行險求財此非營生之本未言其利先明其害也

助傷隨墓而害大應尅世而途遇強梁官尅世而路

遭羅網鬼爻發動虎臥當道欲往何哉加元武爲寇

盜之凶加朱雀爲鬪爭之患勾陳爲攔阻之人騰蛇

爲風波之駭白虎爲災疾之危惟青龍可以凶而吉

也

非分之求。凶多吉少。常身家俱殉。故有戒詞。
索逋者。應尅世爲負心。奪報者。兄爻動爲攘先。
脫者。宜動留者。宜靜。發伏藏者。宜伏而現。假造作者。
宜變而建。

發伏如開礦淘沙取藏之類。假造作如本匠土工。
針線機織之類。財臨變爻復值日月建爲吉。

財逢合而當遇財逢衝而當起貨入宜衰則易買貨
出宜旺則得價財逢生旺當徵貴財逢衰病當徵賤
也。

易冒

卷八

理財

四

此言貨價貴賤收發之宜

財爻絕得生則脫財爻空得填則獲財爻破得補則
復財爻無見時而得財爻旺墓庫而收財爻衰得旺
則長也。化進神者日增。化退神者日減。利厚者財化
生利薄者妻化尅也。

此言財爻生尅補救之法

遊魂財旺宜行歸魂財衰宜止。六衝宜改圖而得利。
六合宜需守而生財。坐世遂本地之求。居應稱他鄉
之脫。現於間爻中途反生息也。

此言脫貨之利

財衰於內，買宜近鄉，財休於外，置宜遠所，衰而變旺，其價先屈而後伸，旺而變衰，其物先金而後土也。卦無財而財，且衰價賤而不得買，卦無財而財，且旺價貴而不能買，惟現而衰，滿心得置，疊而旺，遂意得脫。此言置貨之宜。全脈要訣云：凡置貨，脫貨何爲吉方，財生之處也。獨發求宮，重見求屬，置貨何爲吉方，世生之所而已。此言置脫吉方。

易冒

卷八

理財

五

則以妻財所屬，財病則以子孫所屬，五行六神而考也。類金者玉石像焉，類水者魚鹽像焉，類火者陶冶像焉，類木者百菓像焉，類土者五穀像焉，青龍木利喜慶爲用也，白虎金利喪屠爲用也，元武水利酒食爲用也，朱雀火利市肆爲用也，騰蛇上利出人爲用也，勾陳人事之利，農田爲用也，有指而求，無自妄也。問者意屬何類，然後以象像之，萬弗自逞聰明，以妄言語而誤趨避也。

夫子孫生我財，喜有而不喜無，官鬼耗我財，喜安而

不喜搖，兄弟尅我財，喜靜而不喜動，父母爲辛勞，喜抑而不喜揚，凡益財者宜其動，損財者宜其靜也。

此言六親喜忌。

傳言得萃而經營折本，當爲占者之戒云。

京子傳以萃數缺無補，因戒占求財興販尤忌。

桑田章第六十七

內詳種植召耕佃田耕牛蠶利葉價諸問。

田之用財言其耕得也，桑之用子言其育利也，是故

占西成之稔，財實則豐，財虛則荒也，所以五穀熟爲

易冒

卷八

桑田

六

財爻之有助，百菓成爲妻象之無傷，卦驗得豐古稱

大有。

夫官鬼天殃也，殃不宜作，作則爲稼穡之害矣，是故

火鬼動而司亢旱，水鬼發而司淹沒，土司蟻，金司蝗

木司風，而及菱秕也。

初爻田也，二爻種也，三爻爲秧，四爻爲苗，五爲穀子，

上爲耕夫，鬼發於是，則爲是災，鬼發初而田原瘠，鬼

發二而種復植，三爻鬼動而黃稗欺，四爻鬼發而蟲

蠹疾，風雨阻其結也，五象鬼興病厄困其力也，六爻

鬼作。

若夫稻宜早晚種。宜。蔬菜蔴荳皆察財象。逢時春樹而秋收者金財之宜。夏植而冬遂者水財之利也。召人之耕。應爲彼財爲息也。應爻空破散絕。則荒吾田。財爻空破散絕。則薄我息。尅世則負已。三衝而無恒。惟應生合而財旺相。則得上農之助。若耘人之田。惟以財爲利。

莖耕牛。五爻子爻不可病也。鬼爻不可動也。爻屬生屬不可入鬼也。

易冒

卷八 桑田

七

病謂破空。生屬卽丑爻也。爻屬五爲牛也。值鬼有病。

是故蠶以子爲用實則多獲。虛則少成。蓋子孫空破而憂筐簇之虛。福德生扶而喜結纒之實。筮坎兌者。雖子旺而徒勞。筮艮離蠱咸者。雖子衰而倍常也。

官鬼蠶之病也。病不可發。或現於卦。或現於爻。或現於五屬。或現於六神。因事以趨。隨事以避。是以坤艮之鬼。其室不宜乾兌之鬼。其釜不利巽震驚風雷之暴。坎離恐水火之殃也。

初爻之鬼病在種也。上爻之鬼病在繭也。二爲箱蠶細之時也。五爲筐蠶大之日也。鬼發於是。豈無變乎。三爻人也。四爻葉也。鬼發於是。豈非人困而葉悴乎。何宮何爻。鬼動益甚。

水傷濕曰青。金傷饑曰白。火傷熱曰焦。木傷風曰折。土傷氣曰黃。鬼發於是。則有是病。小折謂軟。歛黃謂痿黃。

龍不可以聞歌唱。雀不可以見喧嘩。虎不可以動悲泣。武不可以觸穢污。勾陳不可以徙箱筐。騰蛇不可以歷傾覆。

此釋鬼現六神之義。如鬼現支神。則已有蛇遊子。有鼠舞。午爲蟻食。酉爲雞啄。亦以戒焉。

復求得利者。專用妻財。復求同育。更種買蠶。育所專用子孫。

蠶財以財爲用。同育更種。買蠶育處。皆以子孫爲用。

夫桑葉貨物也。是故財爻旺相。其貴如金。財爻休囚。

其賤如土蓋金土之貴賤亦隨日月時而移也月以月計日以日計時以時計亦隨其占而考也財旺於內貴賣於近財旺於變貴賣於後也

槩占何時貴賤以財旺之時為貴財衰之時為賤若計限時日月而卜直以財旺為貴財衰為賤也遲早貴賤以財旺之日月為貴財衰之日月為賤葉可盡與子孫旺而葉盡葉可餘與妻財豐而葉餘夫問葉可能盡蓋子旺蠶好則葉可能食盡蠶食外尚有葉多乎財旺則是年桑葉茂盛故應有餘也

易冒

卷八 桑田

九

畜養章六十八

夫禽獸之物以子孫為屬者以其蓄利之源也或用於財或用於子其法有二蓋求物身命則用子以物取利則用財卦屬爻屬生屬而載於五行者察之官鬼之神是為物之災也白虎之煞是為物之屠也畜養之禁忌之官鬼為疾白虎為刀砧並忌

是故牧馬牧牛鬼不可動於乾坤之宮鬼不可入於五六之爻鬼不可現於丑午之位然後考子孫之衰

旺而白虎無拘蓋耕牛廐馬縱病而弗屠也。

雞鴨鳥鶩之屬則以子孫爲物身旺肥衰瘠空散則亡破絕則死也初爻是其位也酉是其命也皆忌鬼犯虎爲其宰鬼爲其疾皆不可動。

此言畜禽消長肥瘠若取雞哺鴨求財當以財神爲用。

貓犬彘豕羊鹿者莫不以鬼依二三四爻寅午未戌亥之位爲凶發於坎兌艮之宮爲不利而子孫喜旺白虎喜寧也。

易冒

卷八

畜養

十

二爻猫犬三爻彘豕四爻羊鹿寅猫午鹿之屬是也。

夫鬼守於亥者魚必消困於申者猴必成所以養魚而信以財考養黃鳥鬪蟲而信以利求畜牝而信以息問也當復計其時爾。

不惟以財爲用復當考其獲利之時如夏畜秋鬪則喜金財。

是故卜禽獸之肥瘠死生者專物之身而言也務用子孫若以禽獸之畜養而待趨利者專人之得而言

也因曰務用妻財

丁產章第六十九

內詳寄戶投圖歸甲清漏交納散派違限諸

問

立戶成丁置業歸產止畏徵科之累也故官鬼爲徭役不可動不可尅動煩而尅累也不可隨墓助傷隨助有飛差突派也惟鬼靜福興而安居樂業

或筮寄戶或筮投圖專察應象應空不容尅世多累世空無成三衝不久

易冒

卷八

丁產

十一

併分丁產收回圖甲清漏糧賦皆以助傷隨墓爲惡鬼動尅爲凶

交納易乎官尅世而難也散派難乎世尅應而易也違限安乎鬼動官尅而危也

戶役章第七十

內詳謀差頂役脫役助役卸役訟役避役防

患諸問

役有不同有我求之役有官派之役有利之役有利者利之役皆役於官也故喜忌皆用官爻求而有利者

以役爲利，則財旺官備爲吉，以官壞尅世爲凶。
凡鹽漕河賦之差，史胥吏卒之輩，官能榮之，故官不
可空也，官能辱之，故官不可尅也，官能利之，故財不
可無也，隨官入墓，助鬼傷身，爲公門之大忌焉。
筮謀差之成，貞衝合衝，世空官失爲不就也，頂役之
成，世空應空，貞衝合衝，官失而不借也。

派而不利者，以役爲害，是以問役輕重，官尅世而役
加，官持日月旺相，役必多徭，必苛也，休囚則少，空散
則免也，破分動靜，動有而靜無也，隨墓助傷，亦應大

易冒

卷八 戶役

十三

凶，得逢空破，反爲得免。

脫役，除名官尅而不宥，官空破散，嫌釋我無主，官臨
壯相，忌制我方疆，故凡官不可尅，不可極，不可沒也。
極，謂極旺，沒，謂失沒，補遺云，官鬼尅身，難脫役，子
孫持世易除名。

若求人助役，須應生世，如應空破散者，無助若覓人
卸役，須世尅應，如應空官尅者，無門若訟官，得理，尅
世非宜，如官空破散者，無益，蓋公以官而私，以應也。

私處求應生，公斷戒官尅，應空誰相憐，應尅孰爲

卜潛踪避役乎鬼動鬼旺則役來鬼尅世則捕我矣
卜當役防患乎官動官尅則多累矣唯卦靜而子動
二占之吉也。

思避役防患皆喜子息官。甚慎其大業也。
大抵役而趨利好財官。役而免害惡鬼旺。及動官尅
世。避役而喜失其鬼。謀役脫役而不喜失其鬼。用神
無執一也。

謀役脫役無鬼誰爲主焉。

易冒

卷八

戶役

三

合分章第七十一

人事分合或以義合或以勢分。已分而欲合。向合而
求分。至於自爲。皆以世爲用。主於爲人。則以所主之
人爲用。旺相生扶則吉。破空散絕無成。以世爲王者
忌助傷。以人爲王者忌命墓。此其大象也。

專務用旺。

是以爲已而分合。則世爲之主。爲手足而分合。則弟
兄爲之主。爲卑幼而分合。則子孫爲之主。爲臣妾而
分合。則妻財爲之主。以主象無傷財福生旺。而爲啓

家之吉

既分合而占所事之利鈍則各以用象占之如居則同宅占如業則同財占

大抵分事求勝勝無忌動合事欲和則戒變所以變於朱雀陰官而言生中葦變於元武陽官而隙開暗欺故君子宜廣其心也

出納章第七十二

出納之交兼參人已我與人曰出我受人曰納問彼棄亦爲出問彼受亦爲納也

易冒

卷八

出納

十四

是以我業當出卦衝財壞而毋留我屋當出卦衝鬼動內壞而非我居其貨當出卦衝財旺而及時當納而反是

筮彼屋脫否應實父完則脫彼業與貨脫否應實財完則脫筮彼納否貞衝應動應壞則不納也

戒應尅也
欲納其物而無禍者類防訟也欲納其物而無爭者戒應尅也

隨墓助傷鬼動官尅謂有禍應尅世謂有爭

欲脫其產而圖更置者世空父壞則不得也欲脫其

貨而財不耗者財實則不散也。筮送物求納。六衝應動。應壞則不納也。財化退而不納財貨。子化退而不納。牲畜若應尅世者。空破則怒。塵靜實則馨收而不報也。父母退不受書文。官鬼退不受圖像。兄弟退不受雙對物也。大抵出利交重。不嫌用壞。納利用實。卦喜靜生。此出納之分也。

取質章第七十三

易冒

卷八

取質

五

內詳劫質存亡還期諸問

有質而取。何用揲筮。事在季世。物情難測。則卜吉而往。先審用爻。

人以六親物隨用象。凡舟車房屋服御之物。多用父。凡土田貨貝寶玩之具。多用財。凡禽獸生動之類。多用子孫。平交取質。應尅世而有攘心。貞合衝世。應空而無成事。官虛用壞。豈得全歸。

若驅擄劫質。又異。考用象安危。後察官應。生尅鬼與而難脫。虎穴隨助。而或陷泥犁。故人物存亡。

察用神而可見來歸時日用生扶而有期。大抵信質情兼交與故忌尅世劫質勢比蒙難最喜官空此其分也。備物章第七十四

內詳井竈牀壽具雜物奉公託人諸問。器用之設成家所需而備物之大有三。一曰井。二曰竈。三曰牀。此飲食居處所關不可忽也。故筮之者以爻位爲用以官鬼爲災以三衝爲不久。井之位曰初爻以其穴地也。竈之位曰二爻以其中

易冒

卷八

備物

六

饋也。牀之位曰三爻以其人事也。皆不可尅世。謂其犯吾皆不可受傷。謂其失利皆不可依鬼。謂其生難皆不可動官。謂其作禍也。井之開閉竈之修作牀之安造犯此而凶。值福而吉。若置壽具占喜忌宜用旺鬼安占妨犯壓倒忌鬼尅鬼動隨墓助傷。

如筮舟車喜久喜利喜安而忌卦衝財壞也。置鋤犁網罟者惟以利也。專之以財占戲具者備美用爻。取利用財置砲矢者意在傷人專之以世應備物置用

以物而推。衣飾多用。父母儀像。則用官爻。
奉公置造。官壞世空。及鬼尅世者。不善其功。托人置
造。應壞財虛。及應尅世者。不得其用也。

營謀章第七十五

內附囑托

夫謀事在人。營求不一。皆物交物而成也。故六衝則
不交合。而衝則將交。而變應空散。則彼心不附。世空
散。則我意先慵。唯世應破絕。猶得其半。官鬼失而謀
無主。此五者之忌也。

易旨

卷八

營謀

七

破絕有形。空散無跡。

故自力可成。莫觀其應。因人成事。莫觀其世。止問成
否。但忌空衝兼問吉凶。并求用旺。謀文用爻。謀利用
財。釋患用子。

占已謀。不論應。占彼謀。不論世。問成占謀。問吉凶
占用。

筮囑托者。隨所用神。或用官。或用應。或用六親。皆忌
空。空則不力。皆忌破。破則無功。皆忌六衝尅世。則疑
阻。生爻。隨墓助鬼。則不利公廷。旺衰以分其力之大

小合衝以定其情之向背。化進則勇於事。化退則倦於行。五行六神以斷其情性。狀勿主吉凶也。

金堅直木從容水曲折火燥裂土誠信龍和虎勇
雀再三武婉轉勾端實蛇纏綿此五行六神從生
旺言也空破反之。

蓋凡謀事之來者法以謀望而併求用神。謀事之去者法以謀望而不求用神。求於己者世求於人者應有交忌衝無交不忌衝。惟官鬼乃謀之主也。俱不可失焉。

易冒

卷八

營謀

七

蓋凡專問囑托則重體。專問所謀則重用。問囑托而兼求用神者體用兩全。事無不吉。然囑托體病雖用得位無成。故本占爲重不可貳也。

新安瞿目程良玉著

錢唐旅堂胡介定

出行章第七十六

內詳同行成行求事利方筮風關隘旅寓諸

不虞之備君子所戒行路之難自晉紀之是故風波

盜賊疾病訟非之患皆以官鬼爲大忌鬼爻安靜利

四海之翱翔官鬼交重幾半途之顛蹶

武鬼發而憂盜賊雀鬼發而備訟非虎鬼動生疾病

蛇鬼動驚風波勾陳鬼發而不可刻期青龍鬼發而

不可溺豫也車馬之禍者鬼發乾震也風波之患者

鬼發巽坎也艮鬼防患於山間坤鬼避凶於墊外離

鬼戒心於市肆兌鬼留意於庵祠

水鬼不宜舟楫木鬼不宜車輿土鬼不宜步擔金不

宜兵火不宜爨午驢酉酒木東金西也咸池爲婦女

之患劫絲爲詐騙之欺耳目爲音信之訛天賊爲竊

偷之害也凡動一鬼主應一禍所以出行無鬼而言

易冒

永滅也。

鬼動五行，則有五行之忌。鬼動支神，則有方屬之凶。故午官爲驢馬之跌，木鬼爲舟船之風。鬼動諸星，亦有是戒也。惟無鬼無慮爾。

於是而察用象，自筮世不可病，卜人用不可傷，空則諸謀無成，破則一身染疾，絕則愆期，散則他適，世墓者不出，化退者不行，靜而衝者，被邀而遊動，而合者，被絆而留，遊魂多不定之遊，歸魂難越境之步也。

投墓化退，靜衝動合，皆指世爻。遊魂行遠，歸魂行

易冒

卷九

出行

二

近，或以心志言也。

世隨官墓，則阻滯之事生。世持弟兄，則伴侶之朋至。世畜妻財，而有齋糧，世會父母，而有褻囊。世坐子孫，而遠近亨途。昔傳明彛節，艮坎四卦爲出行之戒。今列隨墓助傷，二象爲傷外之憂。雖用疆鬼靜亦忌焉。

釋六親持世之義，併四卦二象慎，不可犯。

於是而筮同行之良者，以應爲用，求尅來衝，不可與同。且空散無顧我之情，破絕有悖謀之惡，同於親屬，則求用象，同而筮安。觀世索鬼。

於是而筮我出成否壞世不出虛鬼不出墓退歸魂
不出筮同行之出成否貞合衝則不偕世應病則不
偕官鬼失則不偕筮行時則用爲出行之身動則逢
生靜則逢衝壞則逢補其期可定也故其風對動又
於是而筮求事者亦察用爻求事於科第則考諸文
書求事於陞遷則考諸官鬼而毋世空也求事於尋
訪考諸用爻求事於貨利考諸財象益端於事而不
端於出行也

於是求事而筮方隅之利者則察子孫當生旺之方
易冒 卷九 出行 三

出行而筮趨避之時者則避官鬼當日月之期

於是而筮遇風則察兄弟尅世則逆生世則順實而
大強而狂弱而小虛而息也夫日天也日生則天順
兄尅則風逆筮有風不戒乎則察鬼象動有覆舟之
禍靜無折帆之殃而世爻生旺者無咎
順逆務於弟兄而日參之兄生日尅其風橫順兄
尅日生其風橫逆

於是而筮關隘亦察鬼爻應尅世者定多阻隔官尅
世者必犯羈征子旺官空遊行如意越境販挾皆同

此占

於是而筮旅寓之安世壞疾生鬼動寇至世身生旺
卽次之寧龍福合扶遭逢之慶

行人章第七十七

內詳旅約途會安危存亡利鈍音信諸問

行者未還卜筮借至親用六親踈用應象用爻無病
而來歸用爻尅世而速至此其大象也若用逢空破
散絕不特歸期杳朕亦至行人災病若別見無傷之
用則從無傷斷之

易冒

卷九

行人

四

用爻遇此四者行人必阻若他爻飛伏之間別有
用神得令亦可言歸如戌建癸酉日占弟兄得夫
三爻兄弟月破因有阻事而未爻兄弟無病後遇
丁丑衝動未爻其弟乃還又如子建庚寅日妻占
夫得困之兌午官空破應夫未還朕巳官伏寅下
長生於日獨發足爻是日乃至故別有用爻在飛
伏間亦可取驗

故用逢暗動而鄉心發矣用值交重而舟車發矣動
臨日月是日月當返矣動化退神班馬而不進動化

遊神望雲而疾馳靜逢合有結伴之還動逢合有攀
轅之阻衝化衝者心改易於別途遊魂化遊魂者志
徘徊於他國也

如槩筮歸期先求用象無傷世尅用而未來用尅世
而速至比和云緩相生云遲用虛以實至破以補至
絕以生至無以有至衰以旺至也

已建巳酉日槩占僕來何辰得剝之旅世生用不
能卽到卯財發動寅財旬空後及甲寅日乃至是
空以實來也辰建甲辰日占弟兄得大有世生用

易冒

卷九 行人

五

至來遲後應乙卯日到乃靜以衝來也辰建戊寅
日占弟兄得困用尅世當速然酉爻旬空當應申
酉日到狀而次日乙卯衝實用神是辰乃至此又
以生尅辨遲速也

用之動者三合而來用之暗興六合而返用處靜者
遇衝而旋用之墓者得開而晤也地發彼方就道足
發當日乃還門戶動此處逢迎也動速靜遲古今之
大義衝踈合親卜筮之常理遊魂出歸魂入卦爻之
定象也卦身合月合日是權迎之會卦爻獨發獨靜

亦突見之期。

凡得歸象，先要用爻無病則驗，不拘旅卜家卜，凡歸人則準歸魂，遊人則準遊魂，獨發者如坤之復，未日行人乃至，獨靜者如巽之噬嗑，卯日行人乃至，若臨用神，更爲驗占。

如限期而筮，或以年，或以月，或以旬，或以日，世尅用而遲，世用相生而緩，世應比和，用尅世而速也，限期之筮，神告尤親。

易言

卷九 行人

六

限期而占，用神破空散絕則不至，世尅用則不至，用神堅固，狀後以尅世爲速，比和次之，半限可至，用生世則次之，世生用又次之也，及限方來。

行旅之約，應壞而爽信也，惟不空不散，不破不絕，必如期而至，問遲速，則如行人之斷焉，中途之會，六衝而不見也，應空不信，縱信而殊途，世空不待，縱待而背路，如卜日時來，以實應爲法，見以實世爲法，卦身合時爲法。

以六衝世應空爲戒，世應不病，則卦身合日相遇，世應病，則實世應之日相遇。

盜筮行者之來否、則以虛實言、行者之遲速、則以生
尅言、行者之安危、則以用象言、而官鬼爲之肯也、隨
鬼反伏墓絕、旅人之凶兆也、各以用象定之、水鬼動
者、風浪驚心、金鬼發者、兵戈奪氣、火爲飛延之事、木
爲舟楫之累、土爲步擔之欺、濟川之阻也、元武細人
也、騰蛇匪朋也、青龍良伴也、白虎爲災、勾陳爲阻、朱
雀爲非也、

用化鬼者、恐涉於非徑、鬼化用者、恐陷於泥途、兌鬼

咸池、樂酒色而忘返、坎官驛馬、飄江海而難歸、乾鬼

易冒

卷九

行人

七

惑於琳宮、異官耽於逐利、離淹市井、震病舟輿、坤艮
阻山野之象也、

若筮久客之存亡、專用而不專、鬼也、用神存則存、用

神亡則亡、存謂有本、亡謂無根、三忌果真、乃作他鄉

之鬼、

犯三忌則亡、一曰命墓、二曰反伏墓絕、三曰空破

絕散是也、

筮行者在是地乎、求用爻之有也、動則他趨、空則別

處、散猶空、衝猶動也、行者仕乎、官旺則仕、官空未仕

也行者娶乎財現則娶用病未婚也行者得利乎喜財神之旺也行者他適乎忌用象之囚也受阻不他如受病不更往曾有遇乎六衝不遂其求用空不稱其志也

如筮音信專察父爻父病無書旺動將至受衝被拆化空乃遺並於朱雀則速並於勾陳則遲並於青龍則吉並於白虎則凶騰蛇爲泛愕之詞元武爲幽秘之語古彼寄書乎先用而後父用殆不書父虛無信書寄有財乎先用而後財用空無寄財空無物也信

易冒

卷九 行人

八

之有無以空以動書之到日以合以生大凡行者之吉凶疎以應象親以用象行者之得失得以用爻求以事爻

舟車章第七十八

內詳僱覓夫古及舟楫宜忌舟車致遠筮有戒心故欲其有利先求無患凡舟車之悞災疾之擾盜賊之虞莫不以鬼動爲戒助傷世適不宜自身之適命墓用壞豈利他人之行

先忌鬼與次察用象

木鬼交重弗恃舟車之利午官發動無樂驢馬之馳
跌也折煞並之而興劫也賊武因之而動爭也朱雀
與之而翔驚也騰蛇同之而張惟官鬼安寧用神旺
相則舟車騾馬所適而安

釋鬼動之義縱鬼動青龍恐致禍於旅店鬼動勾
陳恐遇阻於道途鬼動白虎恐受驚於兵革也

故覓舟車世空父壞則少覓騾馬世空子壞則難舟
車完善歟父壞而敵騾馬壯健歟子旺而良卜舟車
之來載應壞父破則無期卜騾馬之來迎應動子興

易冒

卷九 舟車

九

而疾至

舟車屬父騾馬驢屬子應為舟子僕夫旺良衰歟
靜遲動速

若舟子僕夫之筮官差用官私僱用應最宜生世旺
財豈宜尅身應陷如筮水陸平安亦唯憑官福動靜
關津留難官差搔擾盜賊竊發均察鬼爻衰靜則
無事

大抵所乘之利鈍考父母與子孫所歷之安危察用
神與官鬼二者而已

此宦遊作客舟子僕夫所同占也。

唯舟楫之用廣則加詳焉。父母船體也。兄弟船之跳篙也。妻財船之物用也。官鬼船之魘倒也。子孫船之輔從也。自初至上船之段落也。世船之主也。應舵之宰也。間船之役也。皆不可並於鬼而動焉。亦不可從於鬼而化焉。犯則徵凶。

此言六親六位世應間爻之象並於鬼動是何爻神卽爲有忌從於鬼化是何象位卽爲有災。

火鬼有紅光之患水鬼有白浪之殃金鬼觸峻嶒之

易冒

卷九

舟車

十

石病在釘錨木鬼犯家堂之神疾在蓬櫓土鬼攔墜淺之河患在灰泥也。

此言五行臨鬼發如此。

朱雀前神也司之於頭有詞訟則飛元武後神也司之於尾有盜賊則擺風從虎司之於帆有災禍而後動雲從龍司之於舵有喜慶而後揚騰蛇繩索報驚恐之災祥勾陳房倉兆遲留之得失。

此言六神臨鬼發如此。

附舟寄貨以應爲用尅世則侵漁多費六衝有半道

之變。應壞無一力之倚。君子避之。

附舟類交與忌應病尅世。

是以買舟而居。猶古宅也。船主用人。猶僱倩也。役夫投船。猶事人也。投塵蔭庇。猶公役也。防犯差役。猶避訟也。問何鬼神。猶求祟也。

各推其類。斷而斷。

考魘倒以官鬼當臨之處。求趨避以官鬼當月之期。越江海慎坎艮之戒。而稱利涉矣。

官鬼在六。其魘在頭。官鬼在初。其魘在稍。官鬼在

易冒

卷九 舟車

十一

間其魘在中三四爻。亦中倉也。官鬼當日。安以危戒。子孫當日。險以爻戒。唯艮坎二義。江海大凶。

治築章第七十九

內詳雜修及差委僱工

橫流之害。古傳所紀。故防河而治築。同於防患。不泥水象。專察官爻。故鬼旺。鬼尅。鬼動。隨墓。助傷。筮水患。則未決當決。已決未息也。筮隄防。則未成難築。已成當潰也。

故堤岸之筮。父母爲用。旺相則固。空破則傾。經始而

何時成功喜實世實父之期刻期而筮是時成功忌六衝世空父壞之象此其槩也若大官奉勅小官奉命吏民奉差官交不可病并衝尅世位。

若官吏因河工而筮利鈍則反以官爲重官旺世實則紀錄陞薦官傷世空及隨墓助傷則罪戾降責一若民夫苦役而筮吉凶則以官爲忌旺動尅世勞苦無期命墓助傷憂虞不測。

故凡修塘修埧修閘修圩及治路治水與營城堡者皆以父爲用父世實父旺而成如憂妨犯及苦徭役者皆以鬼爲忌象旺動尅世及隨助而凶尤筮差委僱工皆以應爲用應旺實則有成尅世則無良六衝則難成也。

易冒

卷九 治築

十二

捕逃章第八十

內詳逐地成捕人誘同遊不遺訟逃許覓責人喪節反噬私害將逃逃安存亡爲僧求名自歸恩撫十八問

女子小人古稱難養若其盜逃同於叛王法所難寬也捕逃之占唯世尅應則易獲應空則深淵之逃應

尅世則負嶠之逃六衝則交臂而失世空則累足不前此四者未知能獲也
六衝世空應空及應尅世四者如一不犯則可擒矣
逃人悖內而向外也故以外卦爲所逃之方坎水爲外則在北方或江河之側漁父之家盜賊之林離火在外則在南方或鑪冶之傍市肆之中文學藝術之與震於樹木舟船車輿砍伐之屬巽於花園薪草桑麻婦女之類艮是山巖巖石樵獵之所依兌以池沼庵尼酒食之所賴乾爲寺廟都下城垣之近驢馬驅馳坤爲社稷墳墓郊埜田園之邇耕牧追隨也

易冒

卷九

捕逃

三

此言八卦居外之象言之所傳者淺象之所示者深狀因其象而測之亦難執一也如子建辛丑日有占婢逃得節外坎宜匿水側酒家而不知已墮於井如已建甲辰日卜子亡得泰外坤宜藏寡婦之室而不知相遇於岳家夫井水也岳家亦外姻也其可實指乎然亦不離其象爾學易者當以已之靈機而深研極索也

蓋六爻靜而求外卦，一爻動而求獨發言逃人之心，成謀於是也。故官鬼動而投士宦，子孫動而投僧道，妻財動而投婦女，或傭於商賈，兄弟動而黨閒遊，或逐行伍，父母動而棲技藝，或附舟車，青龍跡於良善，書禮喜慶之家，朱雀踐於優伶，字畫間諠之次，騰蛇樂於賭博浮蕩跳梁之場，白虎匿於屠宰哀喪行伍之內，元武迷於盜賊酒食花柳之門，勾陳藏於鄉庄墳墓之間，及脩砌穿鑿之群，而進退徬徨，淹留恐懼，卜捕叛則觸公差也。

易冒

卷九

捕逃

十四

此以獨發之爻爲方，臨於六親六神之象如此。蓋元武之神，利逃不利捕，勾陳之將，利捕不利逃，故曰觸見公差。蓋亂動而求用爻之在何宮，雜用而求用爻之在何卦，用伏而求飛，用三而求親，伏無而求應也。

自占外卦以下，皆陳逃人之方，設如卦爻亂動，當求用爻居於何宮，在乾以乾斷，在坤以坤斷，若用鬼神雜於爻神亂動，當求用神化入何宮，化坎以坎斷，化離以離斷也。苟或亂動而卦爻無用神，當求

所伏用爻之上飛神之方是也。倘或伏無用爻，厥後以應象占其所居之宮，在震巽則以震巽斷在艮兌則以艮兌斷是也。其有用爻兩現，一用動則以其所化之宮兩用皆動皆靜則以其出現爲親伏藏爲疎也。偶皆伏藏則以外卦之用占方，庶幾乎得有歸一之法。

世亡應逃內亡外逃蓋不可至而可兼也。親人之逃專之於用他人之逃專之於應。故父子兄弟夫婦男女以親合雖悖親而務用，友朋師徒奴僕鄰交以義合。已背義而務應不可惑也。

易冒

卷九

捕逃

五

傳云世爲亾兮應爲失，外爲逃失內爲亡，所以宜世尅應內尅外也。朕亦非主斷如世尅應而應空，其何從而得獲也。常占主僕之訟，用世應而驗則友朋以下用應可推。

間有遇諸於途者，六衝是也。間有不意而擒者，六合是也。間有自還者，歸魂是也。間有去久而來者，化合是也。間有來而復去者，化衝是也。遊而歸者，心收歸而遊者，志蕩然亦必其用神不尅世不空亡而後可。

也

用實生世終有會期用爻尅世卒無見日
卜遜此地專索用爻用如動衝則非留於是處用若
空破則未及於是方弗往求之占戒捕何時世生應
尅之期若六親之逃而歸則反以用神生旺而現世
爻旺合而見卦身合而遇也蓋我讐用敗我親用旺
不同論也

為讐惡於已則俟彼敗之時而可獲故喜應尅為
親於我則求用神生旺與世身相合而來也

易冒

卷九

捕逃

六

是人誘與應尅世而被誘也彼同遊與應用備而此
行也

即應尅世而空破散絕亦非應用一病亦非如卯
建丙辰日占僕與友同行得否邪財持世戌應暗
興後果同行都下

盜逃不遺財爻失所而不可復有也訟逃有益官鬼
矣無蓋空散不為我而違求破絕不終事而停息隨
助傷及官尅世者猶抱薪而救火也非是朕後以

逃之法斷焉

詳見詞訟篇內關犯章斷

許爲我覓則以應象虛實言之若責人覓逃則用捕逃之法

責成是人尋還逃者戒世應空應尅世及六衝也婦逃喪節與財實未苟也不羣匪黨而反噬與隨墓助傷官尅鬼動後必罹其害也不生私害與助鬼傷身及應尅世者卒有犯上弑長之逆也未逃而筮其將逃與用尅世而萌叛心用空破而無實事

專問其將逃忌用實尅世則逃用空破不成若兼

易冒

卷九

捕逃

十七

問挽留爲益又喜用實

親人逃而安乎命墓鬼動有窮途日暮之憂用實卦安有卽次無虞之好卜其存亡獨以用神生壞而斷也爲僧道乎用病而無成求名利乎用實而有得不尋自歸者用壞而忘歸用尅世而終身之叛也逃歸復留同於收僱回心恩撫同於用人

用爻尅世叛恨不歸用象破空飄流難返惟用實生世終得自來復留恩撫忌三衝財壞

故捕逃者以世尅應爲主以世生應尅之期而得捕

盜者以子尅官爲瀆。以子孫當日月之期而獲。蓋逃以應爲象。盜以鬼爲象。此次辨也。

鬪勝章第八十一

內詳鬪訟鬪獲奪人擒人來鬪諸問

私鬪角勝。善良所戒。或不得已而應之。彼我之勢。止憑世應。不從六親。

世已應人。勝負察世應強弱而已。事至訟鬪。骨肉如仇讐。卽六親皆用世應。

應尅世而逢敗。彼勝而折。世尅應而逢敗。我勝而虧。

易冒

卷九 鬪勝

六

應生世而人伏。世生應而已降。比和兩釋。出師一理。

敗謂空破散絕及受日月尅制。

鬪而涉訟乎。鬼爻是司。鬪而有獲乎。財爻以辯。鬪以

奪人。應尅難歸。鬪以擒人。用現可得。

筮彼來鬪乎。應空應破而不前。占何日利。鬪乎。世生

應尅而得勝。

應發五而要於路。應發三而鬪於門。

應動何爻。則從此地相擊。初爲鄉黨。六爲郊野。二

爲庭內。四爲戶外也。

動坎而鬪於澤畔動離而鬪於市井乾兌寺廟坤艮
山野震巽林木之下元武暗刺朱雀明諍青龍笑刀
之謀白虎怒戈之取勾結其怨蛇連其黨子孫有少
助父母有老隨兄以羣隊財以婦女鬼以法術之詐
兵者不得已而用况於鄉鄰之鬪乎筮者慎之、

詞訟章第八十三

內詳審期終訟與詞憂訟訟師用人允駁回
關邊訟請卷資緣禁責離獄息訟雜問五事

官問二事

易冒

卷九

詞訟

九

人有窒於中因忿而訟訟則受命於上故以官爻生
尅爲勝負不以世應強弱分曲折焉官來生世易雪
我冤鬼來尅世難伸我屈不生不尅無辱無榮然我
訟而喜官旺相忌值破空彼訟而好鬼破空惡居旺
相亦以生尅叅之也

勝負專察官爻莫執世應結訟分彼己則官爻分
喜忌朕生世衰旺俱吉尅世衰旺俱凶

先發者不憂官之在世而喜官之在應後發者不喜
官之在應而憂官之在世相生尤吉相尅愈凶此世

應之辨生尅也

以世應生尅分勝負者此則論之如世爻值鬼本不爲勝若尅應爻是官爲我而責彼乃吉應爻坐鬼理應我贏倘尅世位是官悅彼而攘己乃凶總言生尅先官鬼而後世應也

官鬼生應彼得理也官鬼尅應彼失利也官鬼空散訟不成也官鬼破絕詞不終也官生世應兩宥之寬官尅世應兩敗之辱也

先論官爻生世尅世此言生應尅應勝負明矣

易冒

卷九 詞訟

二十

鬼位三傳事干臺憲官與二間情屬捧連長生爲經年之訟帝旺乃折獄之期動鬼變鬼而權案更三上官下官而衙門非一播於世應而忿志未休伏於主賓而訟根不息化進神者下而上小而大也化退神者急而緩重而輕也

此章專言官鬼若官在年月日之上其訟或干三法及上司官在間爻發動恐因捧連或傍觀相累官爻倘遇日月長生則事必經年屢月臨官帝旺卽得三尺剖斷旬空月破則終兩姓交和鬼動化

鬼非一官審問官復見官是疊舉訟詞官動應爻彼有再控之心官動世爻我有重告之志鬼伏世應動爻生扶之下則訟根未斷惟滅沒之伏則無興也。

大壯爲得理明爻爲禁坎爲獄無問生尅占訟之忌也六衝曰戰鬪得官空而氷釋六合曰處和見官旺而株牽也。

三卦爲訟宜忌官空六衝反易散息官旺六合反難調停蓋先官鬼而後衝合也卽合衝變衝同義

易冒

卷九 詞訟

三

隨官入墓爲囹圄桎梏之刑助鬼傷身乃罪罰鞭笞之辱二者與官鬼尅世凡有干於公門之役者皆忌也。

不特詞訟凡事干衙門官長悉忌此三者。

骨肉忿爭主僕僭逆六親之誼已絕故從應不從親狀既訟於官亦先論官而後論應。

有云骨肉相訟止占世應然既訟於官則勝負又係於官不係於應。

夫子孫爲解釋之神喜其持世則刑罰何加羅網自

脫當於交重罪罰蠲除。當於日月寃情昭雪。孰比其
言焉。父母爲詞狀。闢提之用。不可壞。壞則不從。不可
再。再則不一。不可破。破則無始。不可空。空則無終。我
舉宜動。彼舉宜靜。妻財爲賄賂之神。喜其持世。則情
奪理。而居勝。惟動有行賄之費。弟兄爲黨證。于連之
象。獨發而多費。間發而多人。持世則于衆。動應則鼓
謀。尅世則有私擊之虞。傍播有公舉之論。是象一無
益於訟。不現何傷。獨官鬼爲獄訟之用神也。是非曲
直與奪勝負總司之。小大之獄皆生吉。而尅凶不可
尅。而辨吉凶。皆不可離於是矣。

易冒

卷九

詞訟

三

此言六親之象。各有所司。犬抵子財。持世而吉。官
鬼獨重。凡六神諸星。非以動爲凶也。若臨官鬼發
動。狀後形其凶吉。其來生世。雖凶弗凶。如白虎騰
蛇。天牛地獄。皆不爲忌。其來尅世。則朱雀爲申詳。
勾陳爲囹圄。白虎爲杖貴。騰蛇爲枷鎖。青龍爲罰
贖之善。元武爲詳判之重。天獄爲囹圄之厄。驛馬
爲流徙之愆。羊刃爲刺配之屬。

是故世應察彼已之情亦不可真而弗論也。應空彼不欲誣，或將逐也。世空我不好競，或懷怯也。官尅應而應空，如荷弓而射魚。官生世而世空，如操筭而搏狸。應破彼有天殃之降，世破我憂人疾之纏。求衰旺則強弱可稱，考生尅則剛柔可較。其爲用如此，此其大象也。

官尅應當應彼，輸然應空。彼避其鋒，官生世當應我。羸然世空，我失其機。應若月破，彼必有他禍。相報，世如月破，我有別事之累。旺爲疆，衰爲弱，以力

易冒

卷九

詞訟

三

言之應尅世爲彼剛，世生應爲我柔。惟世尅應應生，世則反之。所謂世應爲用如此。何日斷獄，當於日月之實。何時終訟，當於墓絕之鬼。利勝何日，則以世生應尅爲良。釋免何時，則以子孫填值爲宥。

以官長生爲訟始，臨官帝旺爲審決，死墓絕爲散訟時也。凡問見官何日爲勝，則以世爻逢生，應爻遇尅爲勝。世爻遇尅，應爻逢生爲不勝。欲官釋免，則以子孫填值之日，官鬼制伏之辰，定能赦宥。

有問與詞勝負吉凶亦屬於官與詞準行喜官動實而惡其破空也官尅世者控告無門父爻空破批行失意憂訟來侵占同防戒惟官不作及不尅世弗遇隨助何患相加縱應尅世有謀亦已也

問準詞官爻空破散絕及尅世不準執行不論文書若上告批下衙門父母如遇空破雖官鬼動實縱準而不批是衙門也如告親提官尅世爲不從或有兩官常有批下僚者

訟師美惡詢諸父母日月旺相善移生死之文發動

易冒

卷九

詞訟

吉

生扶能轉是非之筆若值破空安能取勝隨助官尅乃以自戕于証保敬趨使抱告皆以應爻爲甲尅世爲忌破絕不忠空散不力六衝生背叛之心而隨助官傷反爲我害

訟師用文書奔走用應應視其有用故不可破空無欺爲良故不可尅世一心爲美故不可六衝用於公所取勝故不可隨墓助傷官尅世爾

招詳允乎官病不允官動不納六衝上下不信烏能允乎招詳能駁乎官尅世而不從駁破絕則已空散

則消烏能駁乎惟官動實則駁矣復部允駁亦猶是也復疏允駁易官用五也

此就筮者之意爲斷復疏則以五爻爲用如上占法

任提回關停詞退訟喜官之無而惡官之有也鬼發則不能停退鬼尅則不能任回惟子動而鬼靜則受無事之福矣鼠牙復舉祇緣助鬼傷身株蔓重牽端惡隨官入墓不可不戒也

大抵以官鬼安靜破空爲吉發動尅世爲凶

易冒

卷九

詞訟

三

請卷者文書爲用也上下請提破絕不允請空散不從提制爻尅世提請俱違

請提文卷皆係父母考其虛實以定吉凶復以官爻不尅世及無破空方得順爾請提而求請提爻夤緣囑托意在聽從六衝則逆其意而或見嗔官尅則逆其耳而或有慾若空若破無力無功如旺如生有情有意如托私人應不可壞不可六衝尅世有損無成若問官情亦同前斷

問官從否看官象問人可托看應象俱忌尅世六

憂禁憂責官旺動而尅世爲難免離獄息訟皆忌官
爻尅世息訟官不可動離獄官不可無求六親離獄
則兼用象無傷

離獄鬼壞鬼空亦不能出求六親兼看六親生旺
則出

遠關人犯事係於官而亦兼捕逃也

闖犯若官尅鬼壞爲彼地官吏不我用情六衝世
應空及應尅世其犯難捕皆不能來

易目

卷九 詞訟

美

伸訟奪婚亦係於官而兼防奪婚也

索婚官尅鬼壞公論不允應尅世爲彼奪去財壞
不能歸來俱莫能成就

以訟取財仗官爲力而兼用索遁也

取財官尅鬼壞官不相爲也卽爲矣若財壞亦難
求

力綿扳役仗官爲力而兼用彼助也

扳役官尅鬼壞官不聽也卽聽矣若應尅世及應

空財壞則亦莫能助我

招雪復名、伏官爲力、而兼用我得也、所以用爻相兼爲法者、有是五也、

復缺官尅鬼尅官不從也、卽從矣、如遇世空則亦莫能復、

大罪不死、在用神之旺相、大害不絕、在互象之生扶、若行險陷人、鬼神所怒、雖鬼靜爻安當直告其凶、

或有既定重罪占其生死、刑定不復論官、專看用神、有救無事、六親困獄、防有欲害者、若互象生扶、大數未盡、奚能害哉、或占行險陷人、以官鬼發動

易冒

卷九

詞訟

七

尅世爲戒、倘有卜者、當直言其凶、雖得鬼靜、或天奪其鑒、而故益其疾、必致大禍、占者寧不戒之、

居官緣事、占官占訟二分、在宦憂議、部覆部議一理、伸訴里甲、私評用應、涉訟用官也、

凡有當仕心懷事累、占法有二、一曰無累官乎、則官旺世實爲吉、一曰不累我乎、則官尅鬼動爲凶、或占有事及部、問曰部議重輕、則官尅鬼動爲忌、問曰部議與官無害、則以官旺世實爲喜、復疏亦然、斯二者常或相背、當詳其問神之旨、祝云爲官

視云爲累其吉凶乃定矣。伸里甲一謂其公處，故應尅世有曲，應壞無斷，六衝不終，一謂其成訟，故官尅鬼動，定于有司，二者亦隨其占而斷也。

大凡訟內之用爻，莫離於官鬼。官鬼之取捨，則因事而求之，是故行喜動，止喜靜，避喜空，解喜衰，息喜絕也。求爲我力，則不可無憂爲我難，則不可有事事惡其傷已，一一好其生世，以像形事，以事配義，吉凶得矣。然健訟破家，不可長也。易曰：不永所事，聖人之戒深矣。

易冒

卷九

詞訟

三

詞訟同用官爻，而有喜忌之分，明於事義，而吉凶不爽矣。然三禡其服，衆訟成師，不祥之氣，由此而長也。占者戒之。

失物章第八十三

內諱覆露見獲，是彼是我，起賊訟盜諸問，失物之占，各以用象貨物用財，禽獸用子，舟車衣服用父母，儀像用官鬼，此用象當分也。

失物各以用爻像之，或衣服匿珍寶於中，則用財

不用父，又當以輕重權之，餘以類推。

盜者則察鬼象，伏鬼爲隱賊，動鬼爲明賊，陽男陰女，內爲內而外爲外也。暗動暗入而明出，旺多衰少，完巧而缺拙也。內外鬼而連結，貞悔鬼而交通，貞悔指世應也。凡遇世應內外之鬼，有連結交通之謀。

以五行之屬而度其情形，金鬼乃穿鑿捺橋而入，木鬼乃鋤縮鑽縮而進，火鬼乃飛騰跳躍而來，水鬼乃隱伏暗昧而至，土鬼乃雜酒筵，匿池塘而偷也。

易冒

卷九

失物

三

以八宮之鬼而別其方隅，動於何宮，則以何方來也。暗動亦然，如鬼爻安靜，則水鬼爲北，火鬼爲南，兩鬼論外，伏鬼論飛方也。鬼生之方，則窩脏之處，財伏何地，是藏物之所，以六神之司而別其狀貌。

青龍爲少俊，白虎爲狂勇，朱雀爲巧辯之夫，玄武爲計謀之賊，勾陳似端篤而不良，騰蛇竟虛浮而不實，踪跡莫可測也。

何時覆露，鬼爻敗絕之期，何日見獲，財爻生旺之辰。

也。物匿何處，審其方也。用伏而察飛爻，用飛而察親宮，用悔而察貞爻，用二而察主爻也。
財伏論飛神之方，財現論本宮之方，變財論動爻之方，兩財論世爻卦身，世身內卦爲主爻，飛伏變象無財，是無踪也，何復言其方哉。

分其所也，用在初爻地與井，用在上爻墳與野，二索於竈，三索於房，四索於門，五索於道，在應索閨閣之中，在世索近身之器，在內索內，在外索外也。

財爻出現安靜，然後以世應內外及六爻考之。

易冒

卷九 失物

三

化爻變爻及飛是父者當覓以篋櫃，是財者當覓以貨物，是兄者當覓以墻垣，是鬼者當覓以香火，是子者當覓以廊廂菴寺之所也。

此必以用伏之飛，用化之爻，化用之象則論，其他則否也。

是彼盜與，應尅世而是盜，是我遺與，世受衰敝而自遺也。

應不尅世，非此人也，世不受損，非于我悞也。

起賊擒盜，子旺有制，鬼動爲凶，助傷官尅隨墓，則賊

橫而反噬也。訟官索物務用其鬼。生世而理官病財。空官尅世則徒勞而自辱也。大易慢藏有戒。擊柝致嚴。君子貴先事而慎也。

擒盜喜子旺尅鬼訟盜喜官實財旺反是而凶。

易冒卷之九終

易冒

卷九

失物

三

易冒卷之十

新安警目程良玉著
錢唐旅堂胡煥介定

神聽章第八十四

內詳彼報彼詛誓神防蠱諸問
怨毒於人甚矣不能伸於人而求伸於神亦人情之常也鬼神之告專用官爻

官尅應者將行罰惡之誅官尅世者不受不臣之誅
隨官入墓戡火自焚助鬼傷身倒戈自滅是以神聰
易冒 卷十 神聽

不我聰為空散故神明不我明為破絕故非神聽之
或違多膚愬之不實
報之速者六九也報之遲者七八也報之暗者衝擊
也報之輕者休囚也應受月破天將亡之應受旬空
神奪其魄應受散絕惡貫之盈應隨鬼墓天網之密
應遭尅破受其罰鬼臨生旺是其期

筮彼咒詛猶避禍之占也鬼動神怒官尅害成隨墓
助傷而天亡我惟子孫旺而官鬼衰則直在我而神

鑒之

筮誓廟。鬼靜乃安。官動尅世。隨墓助傷。定受背盟之罰。筮防蠱。子世無憂。官動世病。隨墓助傷。應遭埋蠱之毒。鬼禍奸人。神無曲庇。筮者審之。

侍神章第八十五

內詳停厝舉殯奉神撤像辨塚辨骸六問

侍神者。謂安神於家。奉先於廟。以妥神靈。而庇人宅。奉而安。猶人事之寧休。奉而感應。猶人事之遂求。

故侍神之筮。犬忌三衝。鬼動。主神不安。亦嫌尅世。主人不寧。空則無降格之誠。破則有怨恫之慮。散絕則

易目

卷十 侍神

二

精爽難憑。隨墓助傷。則災害並至。

故鬼爻既安。而後徵祥。福興而人丁盛。財旺而積貯。饒臨祿貴。而有官爵之慶。

鬼爻不安。卽以致戾。白虎動而病喪。螣蛇動而驚擾。雀武動而有訟盜之虞也。

世空缺我躬之禮。應空疎人事之虔。內外官。而有人已之聖像。變伏鬼。而有新舊之神儀。遊魂自此遷彼。歸魂自彼遷此也。

猶有六爻尅鬼。僕役慢神。鬼生二爻。神祐妾婦也。欲

其神之神者莫神於克誠欲其先之安者莫安於克
孝

推之停棺厝柩必求其亡魄之安亦以官鬼爲用是
以卦象三衝則死者不寧而生者不福鬼動亡魄搖
而人心蕩尅世福機息而禍兆萌空則先靈不欲破
則先靈不悅散則先靈不集於是也惟卦合官靜始
爲盡善若隨墓助傷乃爲大凶

舉殯何如不戒衝也惟以亡靈之悅故弗宜尅世鬼
動年命順利故弗宜隨墓助傷故鬼病雖財福吉神

易冒

卷十

侍神

三

動而不吉鬼安雖父兄忌象動而不凶也故未奉而
筮當奉已奉而筮當撤亦猶是也

舉殯出宅是離其親故衝不戒出而安父兄動不
凶出而不安財福動不吉
若迷而筮塚墓骸骨之真僞者則以六親之用爻辨
不以官鬼辨也

師巫章第八十六

內詳神降卜祟卜鬼求福諸問

凡延高僧懺誦道術禳災下至巫祝之用所占無指

則用子象。所占有的指皆察應爻。

空破散絕。則浮偽難親。生扶安旺。則真誠可仗。進動而退怠。動則心多往來。

故應臨父母。則道高臨子孫。則德備臨財。而具威儀。臨官而格鬼神。臨兄弟而左右助法。臨龍善而虎惡。勾重而蛇輕。雀辨而武誦。上卦為高。下卦為卑。喜其庇身。豈宜尅世。

卜曰明神降。平鬼空則不降。鬼破則不喜。鬼散則不留。鬼動則鑒鬼。尅則罰。隨墓助傷。則禍也。惟鬼靜為

易冒

卷十

師巫

四

善

卜其為祟乎。鬼動則是。卜其是是鬼乎。空破散絕則非。

求神邀福。子象旺而福來。求神祐病。用爻旺而病去。祈壽祈名。祈財祈子。各以用爻而推。

夫卜道行之真。繫於應象。察鬼神之應。繫於官爻。

淫祀誦神。有道所戒。况妖巫鬼史。妄言禍福。哉君子慎之。

內詳何怪驅置怪息有妖是怪五問

禍福之來機必先兆或徵於夢寐或見於物變筮之者莫不以子孫爲福官鬼爲禍狀吉凶悔吝生乎動鬼動而禍隨若空散則非真破絕則無害若動雖破亦凶若隨助雖靜亦凶若旺相猶動若尅世猶動而終不及動也

以隨助鬼動爲首戒鬼尅鬼旺次之而鬼遇空散絕或怪或夢皆不成凶也

狀則動其凶乎王何應也青龍爲哀樂之計朱雀爲

易冒

卷十

機兆

五

詞訟之牽白虎爲丁口之喪元武爲盜賊之警勾陳爲土田之禍墳墓之干騰蛇爲連累之殃驚憂之恐木因樹藝而機災金緣刀斧而生疾火有焚燒之難水爲波浪之沉土有瘟疫之青也以八宮而分所避之方以諸星而分所趨之事

乾兌不可以西行震巽不可以東去坎離蒙水火之厄坤艮招產業之非也驛馬不可以途行咸池不可以女色天喜戒遊婚娶之家喪門忌投縞素之室天獄鬼動猝防刑獄之殃地賊官興忽犯穿

箭之盜浴盆憂損嬰兒喪車慮妨骨肉也其他類推。

以六親而分所屬之述是以化父母而堂上少康變妻財而閨中多故入子孫而丁幼瘡痍之兄弟而門牆瑣括化官鬼而災禍相乘也持世禍由已召臨應患自人招遊魂不可出歸魂不可入內爲內禍外爲外殃。

八宮諸星六親皆由鬼動而言。

其應祥也父母貴人動主進文章子孫青龍動主進

易冒

卷十 機兆

六

金帛妻財天喜動主進臣妾兄弟六合動主得良朋也。

若鬼爻靜休遇有此動始徵其祥。

獨占何怪。怪則用鬼爻陽爲物怪陰爲鬼怪鬼生何方從斯現也。鬼屬何支從斯象也。鬼屬何神從斯物也。鬼化化鬼從斯類也。而吉凶不屬焉。

凡問是何怪此則不占怪爻當占鬼象若鬼屬陽於象有形爲物怪乃精妖也若鬼屬陰於象無形爲鬼怪乃障孽也如金鬼長生在巳或起東南或

從土出木鬼或出沒自水水鬼或搬弄其金火鬼其怪屬火或常顯紅光土鬼其怪屬土或常飛砂石鬼居龍蛇常如龍蛇變化鬼居朱雀空虛若有聲鬼居勾陳牆垣若有人白虎血光元武穢氣也父母化鬼先靈不安鬼化父母樑棟不吉子孫變化兒童之鬼禽獸之精妻財變化臣妾之亡寶藏之祟兄弟爲壁堵匿妖官鬼爲香火懷怒也其吉凶弗係於此

易冒

卷十

機兆

七

驅之何如官動鬼旺尅世不可驅也置之何如鬼靜無尅置之可也何時怪息鬼墓絕之期也此室有妖乎有鬼乎鬼虛則無鬼實則有隨墓助傷則害人官動鬼尅則暴厲也茲是妖是鬼亦同此占

所占不一皆以鬼辨

吾聞日明星晦邪不勝正占者正心修德而妖孽自消矣何惑於怪與夢哉

戒防章第八十八

內詳防訟防火防盜防疫防毒諸問

吾聞禍福相倚伏者也先機之戒君子所慎故應爲

人也。鬼爲害也。應尅鬼尅。殃必作焉。隨墓助傷禍之大者。惟子動而有排難之人。世空而無受禍之地。察其虛實而定之。

以鬼爲害。動則害作矣。旺大衰小。如應尅世。及官尅世。本爲害。將切我。若得破空絕散。謂之無實害也。故曰虛實而定。

憂害而有指。則兼應爻。憂害而無指。則專鬼象。出往而憂害。鬼應尅世。皆不可往也。

無所指。則不必論應爻。私行苟免。而鬼應俱不可

易冒

卷十 戒防

八

尅世也。

槩言防害。以鬼爲端。以言語音信而產禍者。朱雀之鬼發也。以婚姻淫樂而兆殃者。青龍之鬼發也。勾陳爲工巧之由。騰蛇爲虛誣之害。元武爲真盜之謀。白虎爲假命之連也。木鬼者。戒入深林。土鬼者。防立巖牆。金母往來於行伍。火母行坐於窰壙。水母跳躍於舟船也。坎爲水難。毋執弓輪。離爲火災。毋食蟹鼈。震有舟車之寇。巽有婦女之奸。乾兌爲僧室庵堂。或重寶。旨酒而淫心。坤艮爲郊塋山林。或以老嫗妖童而

惑意也。

此專言鬼臨六神五行入宮如此。

若夫防訟之占專務官鬼或云應尅世而有訟心如官爻空而無主訟也鬼尅謂之訟侵鬼動謂之訟起應尅世爲挾怨懷讐若官不尅世鬼爻安靜亦無訟也。

防火防盜皆爲人之害也子動則吉鬼動則凶然亦必以官鬼爲先務也暗動者火非天災而盜非大寇動而衝者安破而動者凶鬼動而尅世者有焦爛網羅之厄也始自何方八卦求之發於何時生旺考之息於何時墓絕司之。

易冒

卷十

戒

九

坎北離南震東兌西之謂如火鬼寅午戌月爲生旺如水鬼辰巳月爲墓絕。

夫憂災疫之流世旺鬼安天災不及憂藥毒之慮世實鬼靜則彼計難行。若占人毒我虛實則忌應尅世官尅世隨墓助傷則彼欲密謀也。

內詳避地兵侵兵來避荒訟避人害兵害謀
害諸問

明哲保身。賢者避地。况涉末流。可不審處。大抵福神
得位。則隨地。桃源。鬼象繁興。則彌天荆棘。隨官入墓。
仰干城而罹免。置。助鬼傷身。輕同舟而逢敵。國。鬼空
鬼散。王道蕩平。鬼破鬼休。天心厭亂。故鬼旺而能靜。
雖崑炎已逼。而玉石能全。唯。鬼。破。而。動。謂虎煞相隨。
而豺狼當道。此大象也。

唯大白虎與月破同位。蓋官鬼爲兵。白虎爲煞。故

易冒

卷十

潛避

十

雖月破。更兆其凶。

筮何方趨避。專忌鬼方。喜臨子地。筮是地避。兵。唯以
鬼靜爲良。尤忌世爻化鬼。

忌鬼方。喜子地。如巳午子孫宜南方。申酉官忌西
也。世化鬼爻。此地將來恐生不測。若所化之鬼。得
空破散絕無事。若卦中無鬼。最爲寧靜。

兵。來侵乎。無鬼無侵。鬼靜無害。或隨墓。或助傷。或發
動。尅世。如火之燎原。當求早避。若旺相安靜。震鄰之
恐。隨助空散。履危而安。兵。由是來乎。無鬼無兵。旺多

衰少破或分行散求復去動來則速暗動稍行土鬼
當審其虛實動靜生尅而斷之蓋吉內有凶凶內
有吉凡筮皆狀也
如因荒而避則察財爻避荒投熟以財旺則可安生
不以官鬼言也如因訟而避因盜而避因羅網而避
因計陷而避皆以鬼爲禍而子爲福也空與靜正離
塗炭之危動而尅反入虎狼之穴世空我無受禍之
地子發天有降祐之方唯助傷隨墓者則莫逃於數
也

易冒

卷十

潛避

十一

鬼忌尅世子喜持世鬼宜靜子宜動

避居此地有人害否應尅世而起謀心助傷身而陷
不測鬼動而犯羣凶禍播而多善侶避從是路有人
害否亦同此占

二者卦靜福典所履而安

有問兵之爲何害也鬼尅以屬鬼動以化而言之蓋
變父母而毀房屋變子孫而擄子弟變妻財而淫婦
女變官鬼而召羣凶變兄弟而掠財貨也火鬼焚燒

水鬼淹溺金鬼盜殺戮之慘木鬼擾桑麻之務土鬼

屯山巖之毒

以鬼居五行之屬化六親之分而推之、
有問人之生何謀也、以應察其情、以鬼察其害焉、青
龍爲舟敵之險、朱雀爲文巧之辭、白虎以武勇而怯
人、玄武以淫邪而誘、巳騰蛇以邀結、勾陳以牽累也、
鬼內內害、鬼外外害、乾鬼以僧害、坎鬼以盜害、兌鬼
以酒害、震鬼以杖害、離鬼以火害、艮狗與雞、坤將老
嫗爲害也、

應得彼情、鬼察我害、以六神臨應察其姦、以八卦

易冒

卷十

潛避

十一

動鬼見其害、鬼居六爻爲郊埜害、五爻爲道路害、
三四爲門戶害、初二爲鄰里害、

道業章第九十

內詳擇師傅法、主持綱紀、募緣法會、齋戒七

問

孔孟之道、以五倫爲體、以經世爲用、困亨、彘險、有各
盡之道、何以筮爲若、棄家入道、拔俗修真、愛網難除、
至人難遇、自是大丈夫事、豈同流俗人之筮、然道有
道緣、業有業障、亦常於筮而得之、

割愛離塵。一念萬年。何用筮甲。然所處安危擇師。邪正亦賴聖賢告我。

何名道緣。福神是也。何名業緣。繫爻是也。故子孫持世而道成。官鬼交重而障重。而世不可病也。病於破多疾多災。修落傍門。病於散絕。自暴自棄。心慵半路。隨墓助傷。則身陷泥犁之地。世生世旺。則心開日月之光。此其大象也。

專忌鬼動。及世爻破散絕。爲三戒。世動亦主不寧。

然世空有喜惡之辨也。三衝有宜忌之分也。出家而

易冒

卷十

道業

三

三衝世空。爲超然物外。如孤鶴橫空。求道而三衝。世空。爲塵務攪心。如困魚失水。

卜出世。三衝謂解網。世空謂無掛礙。若卜入道。則主無成也。

何年道成。世臨日月之期。何地法隆。世臨生合之地。亂動非清修之象。遊魂無戒定之心。

道業成身專憑世位。世病亂動。遊魂俱忌。

刻期取證。指日還丹。世空則無成。六衝則多阻。世病則九仞井棄。鬼發則一丈魔高。唯世旺福興。而丹成。

悟微。

止問求道。世空世病六衝。鬼動爲四戒。故擇師。同師占也。父臨日月爲名師。世空恐吾不能受教。受徒傳法。同繼嗣也。子逢生旺爲法器。命墓恐彼不能傅持。

雲遊。同出行。然有訪道求利之別。各兼用象。

過此以往。應緣倡道。遂多名利之求矣。任持如占宅也。三衝鬼動而當退。綱紀如筮仕也。世空官壞而無成。募緣同求財也。應空財陷而徒往。法會如設館也。

易冒

卷一 道業

占

應空鬼動而多損。

筮持齋戒。專務用神。自占以世爲本。用旺鬼靜則始終不渝。三衝用壞則半途改轍。

若筮開齋破戒。嘗無吉占。世壞鬼動尤凶。戒之而已。

夫金木釋道也。升降成敗也。

西方屬金。乃肅殺之地。故以釋氏像之。况自西來。當屬乾兌申酉。所以金爻及乾兌之宮。福動則吉。

鬼動則凶。東方屬木。乃化育之所。故以道宗像之。

且行東土當屬震與寅卯故以木爻及震巽之宮
官動爲惡子動爲善也卦有升降之爻如八月得
升則世是升爻八月得泰則世是降爻秋分後四
陰升而三陽降之由也世居升爻可以入聖謂之
成世居降爻不能越凡謂之敗然無病則吉有病
則凶

易冒

卷十 道業

五

子官善惡也父母搖而得典策之譽兄弟動而犯貪
與之戒妻財發而有縈家之心
子孫動夙有善根或因緣福德之隆或高賢徒衆
之侍官鬼動原有惡孽或災障之纏或調達之擾
父母帶吉神動則我書文後得名譽帶凶神動主
法嗣多聚散也弟兄吉動當遇良朋善友但道風
清苦凶動常多貪與之累妻財吉動道供盈餘凶
動婦女纏絆

騰蛇塵障不除勾陳風緣不斷白虎元武災盜之由
朱雀青龍才名之士蓋必因鬼動而云凶福動而云
吉也

如朱雀搖鬼爲是非動福爲名譽之類

惟得復咸艮无妄而安寧者修行之吉占也孔孟之學幾功名之捷徑自姚江而後道風眇然若有豪傑之士起繼絕學明聖道亦以此章占之

四易專釋心學大抵三教必以正心爲根筮修行得此者不拘福鬼衝合直言其吉也然安靜如之變動復非爾聖學無求道者故道業止詳二氏三教道同占同也

占誠章第九十一

益聞易以精義卜以決疑理在可見不可見之際必

易冒

卷十

占誠

六

精晰其動靜而是非以昭事在可行不可行之間必專斷其吉凶而趨避以決是以箕疇有稽疑衍忒之文河洛著開物成務之訓凡以通其志定其業也

設有內蓄邪志而詭辭以欺神聽躬多隱惡而怙過以邀鬼謀是其心術險鄙自違天祐寧有聰明正直之聖賢廼爲不肖者敢以僥倖之門導之行險之路

哉

所以春秋書南蒯將叛占得坤之六五黃裳元吉子服惠伯曰忠信之事則可不然必敗後蒯果敗此內

